



Dikeletšo tša mešongwana ya kanegelo

Go balela ngwana wa gago kanegelo o balela boipshino ke lerato le legolo le mošongwana wa thuto ka bo bjona. Eupša o be o tseba gore o ka dira mešongwana ye bonolo yeo e kago okeletša maitemogelo a kanegelo a bana ba gago le go oketša go ithuta ga bona? Tše latelago ke dikeletšo tša go go thuša go dira se. Leka keletšo e tee ka nako. Lebelela gore ke keletšo efe yeo e šomelago wena le bana ba gago kaone.

Dikoša le merumokwano

Opela koša goba o bolele morumokwano woo o tswalanyago le dikagare tša kanegelo.

Ba kgopele go akanya

Ge o tšwela pele ka go bala, thuša go hlabolla bokgoni bja bana ba gago bja go akanya, 'naa o nagana gore se se latelago go tla diragala eng?'

Oketša dikgokaganyo tša maikutlo le kelelo

Hlohleletša bana go hlagiša maikutlo le dikakanyo tša bona gomme o dire gore ba nagane le go rarolla mathata ka go botšiša dipotšišo tše bjalo ka 'naa o be o tla ikwa bjang ge e le gore e be e le wena?', 'naa o nagana gore e be e le selo sa maleba go dira /bolela ka mokgwa woo?', gomme 'ke eng seo o bego o ka se bolela/dira ge e be e le wena?'

Lebelela gabotse diswantšho

Kgopela bana ba gago go lebelela gabotse dintlha tše itšego tša diswantšho. E re ba bale, hlaloše, laetše goba ba hlatholle seo ba se bonago diswantšhong.

Go thala diswantšho

Laletša bana ba bannyane go thala seswantšho sa karolo ya kanegelo yeo ba e ratilego kudu. Kgopela bana ba ba golwane go thala mmapa wa fao kanegelo e hlamilwego. Ge e le gore bana banyaka go thala se sengwe seo se tšwelego kanegelong, go swana le mafetišo a maswa, goba ge e le gore ba nyaka go ithala bjalo ka baanegwa

kanegelong, ba hlohleletše go dira bjalo.

Sekaseka puku

Botšiša bana gore ke eng seo ba se ratilego ka ga puku gomme ge e le gore go na le se sengwe le se sengwe seo ba bego ba rata gore se fapane.

E diragatše

Diragatša kanegelo goba karolo ya yona mmogo. Goba, eno apara goba o itire o kare o baanegwa sebaka sa iri goba tše pedi!

Dira gore bana ba ngwale

Dira gore bana ba ngwale goba ba romele e-meile ka go tlanya go mongwadi gomme o dire bjalo ka nnete! (O ka dira se ka go romela lengwalo go mophatlalatši wa puku yo a tlogo e fetišetša go mongwadi). Šišinya gore ba ngwale sereto ka go hlaloša o tee wa baanegwa goba ba ngwale tshekatsheko ya puku go abelana le bagwera ba bona.

Itlhameleng dipuku tša lena

Mena matlakala a mmalwa a pampiri go hlama puku gore bana ba gago ba itlhameleng dipuku tša bona. Ba hlohleletše go thala diswantšho. Thuša bana ba bannyane go fetiša dipuku tša bona ka go ngwala mantšu ao ba go botšago go seswantšho se sengwe le se sengwe. Dira gore bana ba bagolwane ba ithute ka bo bona. Ba kgopele go leka go ipeletela mantšu le go reta maitekelo a mopeleto wa bona. Ge ba kgopela thušo, ba fe yona. Hlohleletša bana ba gago go ipalela ka bobona dipuku le go di abelana le ba bangwe!

